



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1652. usque ad annum 1662

**Fleury, Claude**

**August. Vind. [u.a.], 1779**

**VD18 90119185**

§. 104. Principum atque illustrium obitus.

---

[urn:nbn:de:hbz:466:1-67372](https://nbn-resolving.org/urn:nbn:de:hbz:466:1-67372)

nis profluxisse asseruisset: Eapropter Sæc. XVII. A. C. 1662.  
 apud ipsos audiebat Idiota, qui nunquam Casistas legisse visus est, & ne quidem Molinistarum doctrinam habuisse cognitam ab iis, qui propius eum inspexerant, creditus est: Hæc autem recentior quidam Historicus iis persuadebit, quibus incognitum est, Butilierium non modo Græci idiomatis apprime gnarum, & Philosophicis disciplinis excultissimum fuisse, sed etiam annos natum nonnisi viginti & unum jamjam Scientiæ Theologicæ profunditatem publico specimine, ac promerita Doctoratus laurea comprobata reddidisse.

## §. CIV.

*Principum atque Illustrium obitus.*

Gemino funere Augustissima Domus Salmon hist. chron. lt. 1. Priorat. hist. Leop. p. 2. l. 2. p. 186. Vid. supra §. 41. p. 536.  
 Austriaca hoc anno afflictâ lugebat; decessit enim inexpectato fato die vigesima Novembris Archidux Leopoldus Guilielmus Ferdinandi II. Filius ac Tertii frater: Hic raro fœdere Principis celsitudinem cum Episcopi humilitate, ac militis magnanimitatem cum Politici Christiani sagacitate conjunxerat, moribus affabilis, animo generosus, in omnes beneficus, in pauperes prodigus. Adolescens adhuc sese militiæ sacræ mancipabat, ab Urbano VIII. Papa

Sæc. XVII Papa anno hujus sæculi vigesimo  
A. C. 1612 quinto ad Magdeburgensem & Halber-  
 stadiensem Archiepiscopatus nominabatur, quos decimo post anno Protestantibus cedere coactus, Argentinensem, & Passaviensem, postea Olmucensem, ac demum Wratislaviensem Ecclesias obtinuit: Prævalentibus Catholicorum armis non modo pro Deo & Ecclesia Episcopus, sed & pro Imperio & Cæsare supremus Bellidux militabat, ac non una victoria clarus collapsas Catholicorum res restituit. Hoc demum anno, cum supremus esset Ordinis Teutonici Magister, post Gemertensem Commendam a Batavis vindicatam, Equites Viennam convocavit, & Carolum Josephum Archiducem in Coadjutorem cooptavit, ast paulopost Argentinae ita obiit, ut sui ævi Episcopus meliorem, nullus Princeps mortem optare generosorem posset. Nonnisi annos natus erat quadraginta octo, menses decem, & tredecim dies: maluit castissimus Princeps mori, quam exhaustas vires ex Medicorum consilio, sucto mulierum lacte reficere: Nimis præpropere dignissimi Principis mortem sequebatur decessus alterius Archiducis Ferdinandi Caroli, Oenipontani, qui Bolfenam versus venationi insistens, die decima

quar-

quarta Decembris Caldari maligna fe- Sæc. XVII.  
 bre correptus die trigesima ejusdem A. C. 1662.  
 Mensis, nondum expleto trigesimo quarto  
 ætatis suæ anno decessit, non sine ma-  
 ximo Serenissimæ uxoris suæ, suo-  
 rumque luctu. Erat enim Princeps  
 naturæ dotibus largiter exornatus,  
 oris Majestate insignis, moribus comis  
 & affabilis, generosus æque ac man-  
 suetus, & eximius pietatis, ac Reli-  
 gionis cultor, cui in Principatu suc-  
 cessit Sigismundus. Hunc pariter an-  
 num vitæ suæ exitialem habuit Elisa-  
 betha Jacobil. Angliæ Regis Filia,  
 & Friderici V. Palatini Electoris a re-  
 bellibus Bohemis in Regem electi con-  
 jux, quæ Vindsoriæ hoc anno die vi-  
 gesima Februarii anno ætatis sexa-  
 gesimo sexto Calvinianæ sectæ im-  
 mortua est, haud secuta exemplum  
 duorum Filiorum & unæ Filix ad re-  
 ligionem Catholicam multo antea red-  
 euntium.

## §. CV.

*Scriptorum religione Catholicorum  
 opera & decessus.*

Luctum induit hoc anno Respublica  
 Literaria ob mortem Ecclesiastico-  
 rum scriptorum vasta eruditione cla-  
 rissimo-

*Dupin Bibl.  
 des Auth.  
 Eccl. t. 17.  
 pag. 145.  
 Sammart  
 Gall. Christ.*